



1

明詩紀事

戊鑑

頓銳 二十四首

銳字叔養涿州人正德辛未進士除高潯知縣入爲

戶部主事改代府右長史有鷗汀長古集二卷前集

二卷別集二卷續集一卷漁嘯集二卷頓詩一卷

列朝詩集北人云涿郡有才一石人得其二銳得其

田按叔養古詩微嫌冗長竹垞所評良然至五律音節高亮隊伍鮮明七言律絕亦復翩翩振響在正嘉之際不失爲第二流

隴頭流水

戊鑑卷六

隴水清且深東西南北下千里不見人胡兒來飲馬

長安有狹邪行

長安有狹邪馳道相背開宛轉近曲江詰曲臨章臺曲江何

透迤章臺亦崔嵬越陌植長楊夾路列高槐繁回少城隩盤

礴新宮隈雕輪結黃霧華轂飛紅埃前載旣已債後車還復

來要途生坎穽趨競亦愚哉三誦覆車言浩嘆令心哀

蜀道難

孤雲兩角去天咫三峽雙流與鬼鄰翻載覆舟道相屬不聞

一日斷行人

雲居寺

地偏疏過從寺僻愜招尋風雨吟山鬼松杉上水禽壞壇蒼

貴陽陳 田輯

天懷詩 書韻

薜合廢殿白雲深向晚聞煙磬空冷宿客心

虹蘿嶽

絕壁臨千尺懸崖結數椽巖虛回梵唄霧重合炊煙僧定猿
聲上人行鳥道邊談空歸未得留宿愧無緣

巖頭寺宿

山行三十里路過百千峯縹緲巖頭寺微茫天際鐘澗風吹
短鬢嵐氣濕長松問我今宵宿雲煙定幾重

昭烈樓桑廟

芒碭收雲氣樓桑掩日華廟庭諸帝後簫鼓萬人家龍豈池
中物雄慚井底蛙西陵銅雀去無樹可棲鴉

逃禪室

戊籤卷六

二

書帙經年廢禪因竟日聞地非緣客埽香許對僧焚禿塵空
談豎清齋佛粥分病來休萬事不是故離羣

慈光寺

慈光開淨域沙界出恆河花雨阿蘭若鈴風窳堵波羣山空
色相一徑入松蘿僧衲翻經字雙林寫貝多

潭柘寺

潭柘前唐寺名山碧殿開松高雲影亂竹密雨聲來吸澗龍
歸鉢銜花鳥集臺數碑勒塵蹟文字半莓苔

西禪寺

禪意西來遠空門東里深松蘿開一徑龍象護雙林
花色冷泠梵磬音片雲間過寺如我本無心

北園書所見

治產無干畝爲園僅數弓
荒城足寒日古堠易秋風
佛塔高雲白邊樓晚葉紅
灌畦甘抱甕轉地罷飄蓬

春日宿長楊寺

長楊隱殘照蘭若暮鐘時
靜得禪中味閒題壁上詩
園蔬青雨甲烟柳綠風絲
一宿聞清梵三生本不期

顯靈宮

星月浮璇闕雲雷繞絳宮
虬軒開顥氣鶴馭下罡風
道演濠梁叟經傳河上公
鼎封龍虎伏萬境寂寥中

新春訪成長老方丈

香漢千尋塔香雲十笏房
金燈明廣殿瓊唄靜長廊
花放優曇色珠舍利光
遠公開社地戒行服諸方

戊籤卷六

三

山行逸興

葛屨行山徑筇杖度石門
鷲峯天外寺蛤嶼水邊村
紅葉疏林影丹崖挂瀑痕
炊煙生碧嶠嶺月閣黃昏

對竹

何處山泉落石灘虛檐十箇瘦
琅玕鳳翎搖影三更月
鶴膝敲風一夏寒
深謝年年伴幽獨
曾教日日報平安
繞闌粉籜成蒼雪
不覺春光過牡丹

贈史子慎

吳興郡守須人英
山開菴畫毛骨清
道場天目萬峯碧
雲水蒼溪雙眼明
釣艇不驚鷗鳥睡
蓮歌那避使君行
西湖便訪

林逋宅竹外寒梅瘦影橫

過賈島墓

泪盡窮轅得舊京旋披叢灌拜先生桐鄉遠在今西蜀梓里
遙鄰舊北平奔走髀消何位業推敲骨瘦是詩名太行秋色
桑乾水野老相呼後世情

落花

薄晚芳菲盡崇朝錦幃空墮紅無一語應是怨春風

衰草

淺白輕黃逐望迷遠拖秋影上平堤王孫尙作天涯客不待
春來亦慘悽

正月十七日

戊籤卷六

四

燒燈已過春寒減巢燕未歸花信遲一曲竹枝清瘦盡小窗
紅雪看梅時

琵琶

墨黑香雲髻不收并刀秋水翦橫眸春葱浙瀝檀槽淺亂點
銀冰下急流

石橋村清泉寺

綠遍汀洲水遠村碧波橫印小橋痕春流到處生芳草江北
江南人斷魂

齊之鸞

十首

之鸞字瑞卿桐城人正德辛未進士改庶吉士授刑
科給事中改吏科謫崇德縣丞歷長興知縣遷南刑

部郎中出爲陝西僉事歷河南山東副使擢河南按察使有蓉川集七卷

盛明百家詩蓉川齊公早負詩名發爲詩歌皆切民瘼國猷筆力道健曲盡事情
靜志居詩話蓉川入夏諸詩山川險隘誦之有如聚米與尹僉事耕並工惜乎志邊闕者未之採錄也
田接蓉川詩有蹶張之力超距之勇不屑屑於詩流派別而句奇語重可與當時名家各分一席

宣和堡渡河

春漲河初急孤軍待曉天健兒工使馬修岸怯迴船革泛傳
驕虜魚噉亂巨川莫憑衣帶水千古塹腥羶

入中衛城

右臂伸西極甯靈近勢聯沙山橫絕塞河水上腴田草木江
南色旃裘嶺外煙壯心驅倦足乘郭思翩翻

戊籤卷六

五

三山暫駐

金陵望何極此地亦三山苦水愁胡騎高峯倚漢關免深青
草窟蛙急黑泥灣土屋無完堵饑人未盡還

遊獻花巖

過雨初憑竹樹涼巖居盡以北爲陽天開斗分山迴拱江東
關形海混茫星裏小槎浮露電松間清梵引笙簧勝遊無那
芒鞋劇欲問仙人借鳳凰

張茅坐雨

魃虐蝗妖氣塞空直從霍汝到秦東霑衣晚坐千山兩岸幘
秋襟萬里風黍穀大稔成野哭豆蕎小穫覬神功憂時未遣
持杯興白鳥翻飛谷樹中

韋州月夜望螺山有作

缺月秋山顛氣高霜清衆繳翠作濤溪通澗谷方逢水地近
鹽硝半不毛胡馬幾年空野屋王宮萬木俯荒塚何當聽續
韓公策歲省千車轉運勞

過安定堡不入

塞上塵勞久自便追風驟裏錦鞍鞞防秋鼓角孤城裏轉粟
車箱大道邊沙磧蓬蒿青可套鹽池潦水碧生煙午陰繙綵
增寒吹似比甯靈倍颯然

同姚拙菴憲長張心齋副使盧藍山僉事遊小雁塔

南山秋氣翠噴吼野思淒淒碧殿寒塔隱佛燈無雁宿樹如
僧臘有龍蟠霓旌古苑悲金盃霜節清樽洗玉盤十里曲江

戊籤卷六

六

遊興盡夕陽風雨幾歸鞍

牛頭山寺

羣山四合鍵青銅約束河流萬古東天護漢槎迴鷺嶺地無
胡馬飲龍宮飯僧歲稔陽坡粟吹客秋高瀚海風搔首沈寥
呼謝眺靈奇屢蠹月明中

始皇墓

金泉已鏽鮑魚枯四海驢山夜送徒牧火燎原機械盡祖龍
空作萬年圖

李濂二十六首

濂字用父祥符人正德甲戌進士授河陽知州遷甯
波同知擢山西按察僉事有嵩渚集一百卷

四庫總目高渚集謙所自訂皆於七子之外自爲一格
大抵筆鋒踔厲泉湧颯馳而裁翦尙疏不免才多之
患謙跋石珣熊峯集謂詩文傳世豈貴於多其說良
是而自定已作乃不能盡翦榛楛信乎割愛之難也
田按川父作理情賦左舜齊持以示李獻吉獻吉大
驚訪之吹臺王子衡少石子歌云大梁福嗣李川父
薛君采梁園歌云大梁李侯才絕妙司馬鄒生爾同
調其爲名輩推譽如此余檢嵩渚集大約近體勝於
古體七言勝於五言川父尤留心鄉邦故實所著汴
京遺蹟志二十四卷博綜典洽幾與長安志雍錄抗
行又撰祥符鄉賢傳八卷祥符文獻志十七卷著述
繁富不僅以詩歌擅名已也

楓林晚照

蕭蕭楓樹林極目水煙積斜陽池口明照此霜華赤佳景不
負君一尊秋浦夕

夜雨

向夕雨不歇一室生蕭爽砌寒絡緯曉院靜芭蕉響壺酒度

戊籤卷六

七

深更齋燈照虛幌兀坐已忘言翛然息諸想

讀孟浩然詩

落魄襄陽客清芬不可攀秋風漢江水斜日鹿門山野寺漫
留詠松林恆閉關底須凌鮑謝佳句滿人間

邯鄲懷古

邯鄲佳麗地傳是趙王宮廢苑春陰裏孤城返照中叢臺還
似昔漳水自流東野眺悲無盡棠花黯淡紅

剡中雜興二首

夜雨過漁溪春風入會稽雪舟人不見腸斷剡雲西古廟凌
霄發深山戴勝嘯多慚許立度恆在石城栖

縵縵傳斯境東南名勝州水迥車騎宅花遶右軍樓樵下晚

峯碧鳥鳴春寺幽何當解簪紱卜築剡溪頭

擬唐人送宮人入道 二首

苦憶僊人夢綠華乞身遙入大清家向來寫恨餘紅葉此去
行蹤有碧霞學道晚依新藥竈洗妝朝棄舊菱花玉笙不作
昭陽調緜嶺間吹月影斜
蚤承丹詔入華清卻戴黃冠出漢京簫譜好傳秦弄玉練師
初拜許飛瓊衣沾別島朝霞色夢斷長門夜雨聲十二層樓
何處所芙蓉花外是仙城

冬日出南薰門赴吳家屯別業偶值起風悵然作

晨興獨往城南村沙風野霧寒天昏小車騫過大堤曲白酒
初熟吳家屯弋鴻獵兔暫爲樂故苑遺宮今幾存不見古時

戊籤卷六

八

信陵墓朔雲滿地蒿藜繁

梁王臺

梁王臺下春草生梁王臺上春霞明兔園積雪有詞賦鳧渚
廢榭無歌笙百花雙燕且對飲碧海黃塵空復情落日爲誰
吟思苦千秋城闕暮雲平

僊女臺

在沔陽石湖村

僊女瑤宮俯石湖湖光瀲灩勝蓬壺春風絳節還升降夜月
明珠定有無流水舊迷秦洞古片雲偏傍楚雲孤知從南岳
夫人去何日東還海上鳧

百門卽事

百門山前花裊裊三僊洞口雲悠悠高車駟馬我何意翠壁

丹崖誰共遊
幾家蘿竹背
巖郭滿眼煙
霞明石樓
自憐衰朽
興不減春日行歌
泉水頭

戊寅元日

簌簌春盤薦蓼芽
盈盈杯酌勸椒花
青幡綵勝聊時俗
雪郡江關自歲華
萬事傷心愁對酒
三年作宦苦思家
雲霄未上王喬履
服食空懷葛令砂

三月十日何處遊
錦鞵白馬河之洲
忽驚風打棟花盡
苦恨春隨江水流
翩翩拾翠北村女
雙雙喚雨東林鳩
蘭亭勝事久寥落
碧草池塘聊唱酬

春隨江水流
翩翩拾翠北村女
雙雙喚雨東林鳩
蘭亭勝事久寥落
碧草池塘聊唱酬

久寥落碧草池塘聊唱酬

戊籤卷六

九

谷園梅花春可憐
欲開未開香滿筵
隔城祇愁西日墮
倚檻轉惱東風顛
攀條嗅蕊忍令折
短句深盃能爾妍
眾賓醉歸主人臥
瞑鳥呢合村墟煙

澤州分司見竹

自別南州見爾稀
行臺駐馬暫相依
情知水石生秋思
肯放細塵點客衣
深院度颺鳴瑟瑟
短牕留月靜輝輝
家山亦有篔簹宅
十畝清陰待我歸

汴州懷古

花石今何在
孤城涕淚中金梁
橋上月偏照宋遺宮

夷門

俠骨已成塵
夷門草自春
斜陽騎馬過
獨憶抱關人

過金陵寄徐駕部

烏啼板橋浦露落歷陽樹夜聞青山鐘揚帆過江去

春遊

太乙宮前柳色天清寺口鶯啼煖風吹面酒醒斜日窵花路

迷

閨思

寶鴨香銷畫樓月明初上簾鉤今夕不知何夕仰看織女牽

牛

黃雲登臺有感

臺邊草色苑邊雲載酒來遊白日曠富貴可憐成一夢疏花

冷雨信陵墳

戊籤卷六

十

途中雜識

銅雀臺邊逢早春西陵西去草如茵蛾眉皓齒今安在碧水

黃雲愁殺人

明州歌

鮎嶺蛟池空復春越王宮殿已飛塵蹋船莫唱明州曲一闋

明州愁殺人

寄王倅玘

九華山下讀書樓秋浦寒雲濕不流最愛風流王別駕白頭


詩思滿滄洲

雲中歌送蔡成之都憲之鎮

黃河北來東勝州桑乾水寒雲朔秋壯士齊歌搜套曲元戎

戊籤卷六

十一



明詩紀事

貴陽陳田輯

戊籤

許宗魯

三十二首

宗魯字伯誠一字東侯咸甯人正德丁丑進士選庶

吉士改雲南道御史歷湖廣按察僉事霸州副使太

僕少卿大理少卿以僉都御史巡撫保定進副都御

史巡撫遼東有少華陵下遼海歸田等集五十二卷

王維楨槐野存笥稿少華集婉麗秀俊

喬世甯邱隅集少華詩足繼唐音

藝苑危言許伯誠詩如賈胡子作狎遊隨事揮放無

列朝詩集東侯才氣宏放開府雄邊多所建置家本

秦人承康王之流風罷官家居日召故人置酒賦詩

時時作金元詞曲無夕不縱倡樂關中何棟西蜀楊

石浸淫成俗熙朝樂事至今士大夫猶豔稱之

香祖筆記弇州危言載李滄溟在關中過許中丞宗

魯伯誠許問今天下名能詩何人滄溟曰惟元美次

則宗子相許請子相詩觀之滄溟勃然曰夜來火燒

卻許面未而已余嘗嗤之夫子相許未必能過伯誠

即索觀亦屬恆事何至佛然如此特著以為文人相

輕之戒

靜志居詩話少華諸體皆工寓和婉於悲壯之中譬

之秦箏獨無西氣足與邊廷實王子衡並驅

渡白溝

昔運邁屯厄恆紀變參商南風日不競朔吹亦遠揚英雄各

乘御龍戰血玄黃矯矯平將軍獨立當中央張弧射九日撫

劍盼四方事去迹故墮志伸願已償竭來歲月久道里未能

忘仲生固有為忽死亦其常停驂覽故壘雪涕履戰場清川

帶潑紆白骨浩縱橫惋歎不能發總轡歌此章

田拔平將軍平安也小字保兒建文元年伐燕安爲先鋒燕王將渡白溝河安伏萬騎邀之戰最力屢挫燕師王親搏戰幾爲安槊所及已而敗被執燕軍歡呼動地爭請殺安王惜其材勇選銳卒衛送北平王卽帝位授安北平都指揮使克尙七年帝巡北京覽章奏見安名謂左右曰平保兒尙在耶安聞之自殺東侯此詩感慨激昂仲生固有爲忽死亦其常二句蓋爲安惜之也

寒夜懷皇甫世庸

夜色寒以肅北風振高枝况有南飛鴻嘹唳雲間悲思君隔
煙水還望情無涯豈無琴尊歡而與誰共之耿耿不能寐起
見星河垂願言拾瑤草順風能遠賫

宿渡口寺

朝行辭蔚蘿暝宿寄禪室仁屏車馬喧頗逐山林癖閉門謝

戊籤卷七

二

暮興宴坐同隱逸雨洗蓮界青月照松關白夜榻秋聲遠海
鏡定光碧道心難遽探俗慮暫可滌匪曰參上乘聊以寄空
寂

亭上

羣動暮已息吾亦與時休暫去簿書勞薄言懷夕遊逶迤步
畦徑逍遙卽林邱涼風酒檐樹亭影漾池流澄神對止水冲
慮復何求尊中有素醪獨酌還自酬心遠境亦寂何必於滄
洲

答惟喬夜集

檐雨罷宵響海月升東楹杪秋氣高肅臺館滋虛清長歌命
深酌豪談對友生眷眷一夕歡悠悠千載情

春日登含元殿故址作

覽故躡崇基披荒撫遺跡川原諒如斯壯麗感非昔五城隱見分雙闕岵亭立參差想華構凌厲餘層級卻繞涇渭明俯視終南屹落日黯將暮春草萋以碧嗟哉市朝變去矣雄圖熄黍離有餘悲桑海詎終極

八月十三夜開福精舍對月

靈境自虛寂秋期倍森爽西風酒樓閣鐘梵虛空響浮雲薄暮盡華月東溟上光明麗中天羣昧倏以朗對此悟圓照因之釋眾想況有素心人相將共幽賞

期遊蒙谿菴過歸不果途中賦述寄遺道侶

邃壑啟神窟延阜羅仙源富有山水勝縹緲塵土喧芒田時

戊籤卷七

三

大藥洞府弭華軒玉桃千載實珠樹四時蕃沖想寄靈囿遐矚阻玄門愴往齒髮變期來歲月奔纏綿未能解飛舉詎堪言因書達羽客聊以展寒溫

暮春同諸子登望江樓作

曩宦闕茲遊今來邁斯賞朱閣凌漢飛丹磴綠雲上芳時豔桃柳春渚茁蒨蔣浩浩江水修茫茫楚封廣惠風拂綺楹淑氣耀金榜波光蕩空洞石霞映虛敞層觀每興矚萬籟各奏響沖騫信有基大造窺無象暫喜辭喧卑同懷納高爽寄言御風軒兼以出塵網

秋日過相國熊峯先生故居

圻台願已違奠楹兆何速山立鞏不搖川逝迴難復生申靈

氣闔化宿餘精鬱烈往寵獨延代遙譽恆馥膺門儼若存拭
履愴彌篤程羅張已久容閭式誰續時態傷雨雲義感填陵
谷

留城懷古

哲士昔未達龍伏於草萊翻然奮鱗翼出際風雲期手握黃
石符身爲赤帝師智運祕神鬼蕭韓那得知四海歸皇圖英
雄多見疑開國重始遇乞留有餘機河山奄舊疆珪組紛陸
離履滿戒知止居崇廬蹈危避穀假高蹤赤松杳何之冥冥
九霄上飛鴻振羽儀寄謝工弋者懸情一何爲此意商巖叟
庶幾逢其微

送葛穉方赴河西幕

戊籤卷七

四

君乃上谷才遠赴河西幕山中忽相見故舊情如昨神駿本
爲龍屈蟄今成蠖驍騰千里駕且困鹽車縛遙聞主將賢愛
客時開閣相逢一二語卽訂平生諾日飲葡萄春醉舞蓮花
鏘歡言魚水契不道殊方惡秋城與爾別霜葉續紛落丈夫
輕遠遊爲賦從軍樂

秋日曲江同韋西諸君子遊燕

柴門曲江畔榆柳晝陰陰入竹尋幽徑開窗得遠岑野蔬童
旋摘村酒客同斟坐聽涼蟬響蕭蕭秋滿林

三月三日遊含元殿

芳辰臨上已廢殿訪前朝地古佳名在時移王氣消河山看
表裏觀闕想岩巒春草興亡恨行歌麥秀謠

登毘盧閣

香閣標靈勝丹梯覽壯模人天開化國海岳衛皇都結蓋蓮
雲涌懸珠寶月孤飄飆辭世網萬有盡空無

野酌

野酌傾崖密山羞薦渚蘭藉雲衣袂溼浮翠酒杯寒醉舞攜
玄鶴仙謠奏紫鸞臨風思羽翰長嘯振岩巒

石鐘寺

抱郭雲林麗懸巖樓觀虛窗光挹彭蠡簷翠下匡廬霜吼鯨
音石風翻貝葉書煙波五湖上到此憶高居

歌風臺

亂水疑無地荒城但有臺風煙沈王氣歌詠想雄才世遠川
原變秋深草木哀登臨招猛士芒碭暮雲來

戊籤卷七

五

別館奉餞劉士奇參政湖南

花明翡翠館酒濺鳳凰卮楚塞動行色秦箏起別思雲疑神
女夢竹想帝妃辭倘著南遊賦因風一寄之

邊事三首

九天行殿丹青麗列鎮雄兵虎豹屯上谷將軍新賜姓晉陽
妃子獨承恩錦屏歌吹天顏喜玉帳森嚴將令尊流水淨雲
俱過眼傷心甲第鎖千門

朵顏三箭海西頭保定河間種類稠千里營屯成拱衛百年
禮樂化旃裘虛傳江統能高論須信文皇有遠謀古北黃花
俱肘腋瞻天誰抱杞人憂

眉山司馬萬人豪，曾築長城心計勞。坐使匈奴無右臂，笑談邊鄙失腥臊。黃雲北去龍沙迥，黑水東來雉堞高。衛霍不須論戰伐，萬年基業本蕭曹。

望洪光寺

香臺隱隱蔽層峰，曲磴盤盤轉萬松。縹緲煙中祇樹色，稀微花外上方鐘。光搖浦殿琉璃淨，路入雙林翡翠重。渡海何年心自許，梯雲此日恨無從。

功德寺

功德寺前湖杳冥，渚花汀草流芳馨。法堂雲深殷仙梵，塔院晝寂喧風鈴。野煙空濛石閣邃，春水蕩漾蓮臺青。開門秀色淨如洗，落日西山虛翠屏。

戊籤卷七

六

九日同劉司徒慈恩寺登高得嚴字

積雨初晴爽氣嚴，南山空翠落虛檐。登高尙覺秋懷壯，抱病深嗟酒興廉。白社有緣逢惠遠，黃花如約遲陶潛。爲耽佳節忘歸暮，風帽欹斜醉不嫌。

心自寄馮伯房御史

夏口別君今廿年，地偏書札迴難傳。遙聞御史如桓典，且喜諸生有鄭玄。老去交情懸楚澤，秋來離思滿江天。雨花臺上登臨處，寄我雲霞賦幾篇。

立春夜燕師徵君宅醉中作

西京豪士青春燕，南國佳人白雪歌。醉裏不知身老大，歡來那問夜如何。纏頭錦段無勞惜，到手金尊豈覺多。白髮紅粧

笑相向良宵爲樂肯蹉跎

正月十四日泃邸燈燕遇雪

長安霏雪滿山川帝子張燈合節前
六出花明流夜月九枝光煖結春煙
仙侶玉樹調新曲上客瑤華擬鉅篇
十載王門枚叔老強將衰白侍賓筵

春日遊興慶故池

昔是皇家苑今爲藩國池景龍餘舊號
花萼尙殘碑風館榛蕪合龍舟歲月移
藤垂千尺蔓樹拱萬年枝芳草王孫賦
霓裳帝子辭翠盤懷妙舞玉笛想橫吹
佳麗前朝述興亡異代時乘春聊命賞
覽古一興思海變旋成陸壘傾已就夷
援琴歌慷慨徒感雍門悲

題畫

戊籤卷七

七

草閣生晝涼南風滌炎暑幽人坐忘言
靜聽泉石語

送別吳醫馮元理

採藥吳中久匿名偶騎山虎下山行
還丹買畢還山去人說都門有宋清

茗溪歌

沙際交飛雙燕子池頭並宿兩鴛鴦
採蓮人自愁相見況遇青衫白馬郎

黃佐三十一首

佐字才伯香山人正德辛巳進士選庶吉士授編修
出爲江西按察僉事改廣西提學僉事致仕歸起左

春坊左司諫遷侍讀掌南院事再遷左諭德歷南祭
酒進少詹事兼侍讀學士贈禮部侍郎諡文裕有泰

泉集六十卷

四庫總目佐詩吐屬冲和頗見研練於時茶陵之焰將
燔北地之鋒方銳獨能力存古格可謂不失雅音
藝苑厄言黃才伯詩如紫瑛石大似韞韞才伯亦有
佳語如青山知我吏情澹明月照人歸夢長長空贈
我以明月海內知心惟酒杯門前馬躍簫鼓動柵上
雞啼天地開
湧幢小品夏貴溪妾蘇廣陵人其父曰綱少女適曾
石塘銑與貴溪為聯吟綱出入兩家傳石塘復套之
說夏大喜主其策綱益自負與巡倉御史艾朴通貽
作奸為眾所嫉分宜已一刺其陰事俟毒深夏不
悟安度河套指日可復得意甚作漁家傲一闋適黃
泰泉至掀髯示之索和黃有千金不買陳平計之句
蓋諷之也夏大詬詈喉音者逐之去去三日而禍作
國雅黃詹事才伯性尚冲和韻含芳潤玄覽蒼洲藏
珍瓊海為一代名家其詩譬之龍躍懸河鳳鳴阿閣
輝映高絕

戊籤卷七

八

廣東新語歐貞伯云泰泉先生嶺出南海持漢家三
尺以號合魏晉六朝而指揮開元大厯變樞結為章
甫闢荒穢於炎微功不在陸賈終軍下
列朝詩集才伯髻亂以奇傳名及入翰苑博綜今古
修詞揆藻爭雄藝苑嶺南人在詞垣者瓊臺香山後
先相望後來梁公寶黎惟敬皆出才伯門下南越文
學彬彬然比於中土矣才伯有漫興詩落句云倦遊
卻憶少年事笑擁如花歌落梅自注云欲盡理還之
喻王元美云此公作美官講學恐人得而持之故也
今刻泰泉集不入此注故附見格律
明詩選陳臥子曰才伯亦窺見格律
靜志居詩話文裕撰體頗正而取材太陳故格雖聳
高而氣少奔逸
田拔才伯論詩云吾見近世古詩以綺靡為精工律
詩以粗豪為氣格然則徐庚之玉臺優於蘇李之河
梁蘇頌之輕花捧觴琴參之柳拂旗露反不如羅隱
之天地同力韋莊之萬古坤靈矣持論甚精泰泉集
古體微傷堆砌律體與七言斷句極得唐人格意

都門逢美人行姚倅奎席上賦送陳參政探韻得高舉

都門柳絲青可繚閒關好鳥求其曹美人久矣入夢寐笑揮
結綠歌鳴皋憶昔贈我金錯刀欲往報之阻煙濤雲瑀月珮
忽相見冰雪一洗心煩勞兀圍開尊延旆旄春風淡蕩吹緋
桃觥籌淩亂絲竹動燕笑不知明月高泉陵別駕醉起舞舞
罷逡巡淚如雨感恩自是門下人殺身未報尊前主當年人
棄君獨取英雄未遇多齟齬劍埋楚國終作龍璞售宋人何
異鼠君不見毛公薛公誰當語風雨感會生毛羽平原之客
徒豪舉

暮春郊外

五日逢休沐千山得勝遊樓臺蕭寺迴花竹習池幽春事已
黃蜨舊盟惟白鷗煙塵奔走地回首意悠悠

戊籤卷七

九

次韻贈張子

長安木葉下蕭蕭生客愁夜寒空對酒雲淡獨登樓柳岸橫
長笛花灘放小舟向來江海意淒斷爲清秋

秋日遊迎祥寺至玉泉分韻

迢遞尋蓮宇淹留詠桂枝玉驄穿柳入錦席傍泉移山翠浮
龍苑雲光溢雁池塵心今已淨應有白鷗知

贈別韋評事歸靖江

抗疏甘南謫知君不負丞離情江上樹聚首驛前燈幽谷歌
鳴鳥天池息大鵬扁舟汎明月回首夢毘陵

控海樓有懷徐可大

南州徐孺子落筆滿人間江上笑爲別天邊去不還高樓題

控海此日獨看山尙憶危言日投簪且閉關

粵臺懷古

勝地經秦漢高臺近斗牛片雲浮鬱水孤月滿靈洲事往市
朝變秋來林壑幽霸圖何足問吾得采眞遊

草堂夜坐

浪迹少城隈衡茅向水開閉門青嶂合卷幔白鷗來地僻清
虛洞天高玄覽臺坐聞松籟起竟夕思悠悠

全節廟

極目煙塵暗帝畿樓船南去逐斜暉已無虎帳鳴金柝祇有
龍潭葬寶衣精衛何時填海滿蒼梧終日見雲飛貞魂若化
吳宮燕應是年年一度歸

戊籤卷七

十

桂江秋懷借養齋方伯韻奉寄

桂江水高三尺強秋來鴻雁相回翔鳴榔振柁亦何意楓葉
蘆花俱可傷蒼梧望斷粵雲白滄浪歌罷湘煙長會須萬里
去寥廓嗟爾尉羅空自張

羅浮青霞谷贈甘泉

青霞谷中飄紫煙誰其栖者甘泉仙雲邊放鶴啄瑤草雨後
呼龍耕玉田梅花不作翠羽夢薤葉細寫朱雲篇冲虛昨雨
自高枕曉來同話羲皇年

補送孫學士之留都

景陽鐘動散宮鴉南院新承北闕麻潞渚夢回燕樹月玉京
吟對蔣陵花山分龍虎曾開國江足鱸魚莫念家誰道桂坊

成久別仁看鳴珮入承華

彭城懷古

華髮蕭蕭羈旅情
片帆衝雨過彭城
黃樓此日河聲急
赤帝當年劍氣橫
魏闕自生千里草
長陵誰薦一杯羹
歌風臺下休回首
惟有寒潮訴不平

聞雁

瀟湘水碧莓苔青
白雁掠雲時
一聲疏燈古壁照
蓬鬢江湖心事秋冥冥

匡山懷古

兩匡形勝自天開
奪港猶思卷土來
千古海陵遺跡在
雲濤回望重堪哀

戊籤卷七

十一

讀見素救李空同奏疏偶成

賈誼憂時舊有名
楚騷何事不勝情
長安宿鷺衝人起
應是風波到處生

潞河阻凍戲贈文衡山

闔閭城下浩煙波
日日沙頭載酒過
垂楊繫艇不知數
一紙黃庭雙白鵝

南歸途中

南旺湖邊沙柳春
鵝黃鳧藻相鮮新
棹歌遍江南曲
嫋嫋輕風吹白蘋

西清詞三首

璧月珠星滿紫壇
蓮花齊簇切雲冠
瑤池豈必傳青鳥
蓬島

惟應集絳鸞

碧殿崢嶸概泰清
颯臺時送步虛聲
流鈴擲火飛章地
一片

雲遮翡翠城

滅卻雲鬢帶玉冠
紫煙衣薄露光寒
步虛聲裏琪花落
贏得

君王轉盼看

張時徹二十六首

時徹字唯靜鄞人嘉靖癸未進士授南兵部主事改

禮部歷員外郎中出為江西提學副使歷福建參政

雲南按察使山東河南布政使以僉都御史巡撫四

川改江西入為南刑部侍郎改兵部進尚書有芝園

定集五十卷

戊籤卷七

七

明詩選陳臥子曰司馬樂府頗有造構近體宛倩麗

逸如層臺佚女意帶雲霞

列朝詩集尚書詩學殖富有工力深重樂府古詩標

舉與會時多創獲七言今體塵空蕪穢若出兩手揚

用修評其詩云四言以至六言冲澹穠粹沈鬱雄壯

匠意鑄詞色具體備七言之什自鄙無譏用修可謂

能言矣

甬上香舊集尚書歸老時尚茂齒精思著撰為詩古

文詞及他說林家言凡數十卷輯洪建以來大家名

文為文範別為文苑撰而誌續四明風雅既以標格

自持益好士籠薦後輩凡經其門俱為名士大夫

所執友義重死生始為進士時有騎馬來定交者曰

王撤子揚快士也子楊死為刻鶴山集豐人翁以落

魄死為刻考功集陳后岡早及既刻其集復為勒石

墓門家有別墅在東泉曰茂嶼草堂在西泉曰武陵

莊時引上客觴詠其間卽單門年少一經品目藉以

揚聲吾鄉士大夫壇墀於斯極盛矣

靜志居詩話芝園樂府不規摹古人較之濟南覺勝

五律頗近初唐

田披芝園詩自以樂府為勝駢文亦是當家所作豐

考功集序情文俱美視貌襲秦漢者不可以道里計

豔歌何嘗行 五解

天有七曜地有四維天有七曜不照汝情地有四維不能制
汝遊行 一解 結髮爲婚媾琴瑟兩相和汝今但遠去信誓齊

山河 二解 池中有鴛鴦箇箇兩相當樹上有女蘿葉葉自交

柯 三解 食蓼不言苦食鬱不言甘心思所親人過期而不詹

四解 醢雞處餅益蠹蟲食桃李不得同生亦得同死 五解

子夜歌 二首

乍來結女伴江頭去浣紗問訊郎消息夜來燈燭花

女郎宛轉歌輕舟棹碧波打動明珠碎團團落菱荷

古別離

春思已無那如何又早秋偏將一片葉飛作萬重愁鳳枕蘭

戊籤卷七

三

香細瑤階霜杵杳暗揮雙淚眼一望大刀頭

有所思

清鏡久不御朱鉛那復施忍看雲並雁愁見月穿帷華燈冷

紅豔庭草委芳蕤不及梁間燕雙雙啄紫泥

戰城南

朝戰城南暮戰城北矢若飈飛戟如蝟積晨起裹創血淚沾

臆營中振鈴帳下蓐食城南舉火城北揚旗將軍如虎偏裨

如猱衝堅陷瑕什攻五圍血流野草肉挂枯枝我聞有道四

海寢戈桑乾草青條支不波北款呼韓南制尉佗魚麗雲屯

被甲則那

東海冰輪出西川桂影多弓開玄菟郡鏡轉白狼河亂角驚
城鶻清霜照鐵戈胡塵猶未滅戎客奈愁何

江南曲

四首

青山宮去與之走馬與之聖燕燕於

儂住大江南君家大江北生長不相知江頭見顏色
月白鸞簫細江清龍笛鳴長千里中兒打鼓賽江靈

捕魚橫塘濱船多不施罟南風忽來吹移舟向前浦
東涯芳杜綠西渚蓮花紅瓊英若可贈徙棹及秋風

嬋娟曲

繆承金屋寵轉爲玉顏傷妾意有何極君恩自不常朝朝占
鳳輦夜夜夢朝陽不惜千金賦能蒙一盼光

寶刀吟

戊籤卷七

古

幽并遊狹兒百寶裝吳鉤處囊時電掣出匣有星流空抱屠
龍技未逢推轂收何當承尺檄一爲掃旄頭

青山歌贈蕭封君

青山兮嵯峨綠水兮層波朱鳥兮上下玉樹兮交柯山有人
兮考槃殮玉屑兮弄潺湲荷衣兮籜冠紉之兮紫蘭彼簪紱
兮何有徒忍尤兮抑首睠鳳羽兮高飛琴樹蕙兮盈畝歸來
兮山中駕白鶴兮驂龍丹邱兮羽人聊與子兮從容

君房下第歸

君房下第歸

在在有芳草處處有青山君去與之去君還與之還燕臺空
駿骨漢宮擯朱顏自古有如此沈冥且閉關

離別詩

西川林邊冬白開玄黃燕燕於白燕

朝飡共盤匱夕夢貼衾帷肝膽自相照山河誓不違脂車臨
遠道啟匣出裳衣甯知寸心斷還言千里歸

送林民服歸省

大夫懸紫旆相送出江東那忍仙舟去猶憐尊酒同山青建
業雨雲白武夷宮繡服承歡處芳蘭滿故叢

龍隱潭

磴險愁窺壑巖開始見天衣裳牽宿霧石罅瀉鳴泉四壁松
蘿古孤峰日月偏雲雷時不歇知有白龍眠

邵武道中

明發衝寒露征旄載曉星水穿雲竇白天掩石門青鳥雀爭
陽谷松巒間短亭所嗟筋力薄奔走未遑甯

戊籤卷七

五

大王峰次中溪韻

不有風流客那知太上峰盤雲出鳥背拂石禮仙容鍾乳流
丹壁巖花開紫茸夷貊終永日昏黑尙捫松

自清泉至衛源舟中作

飛鳧將畫舫只傍片雲行本以風波客因舒覽眺情煙凝村
店近月上野鐘鳴一曲陽春調停琴待友生

新秋詠懷時在病

芳杜秋風冷蘭舟剡水遲美人在何許遠道本難期皓月臨
瓊樹青樓出鳳吹曲中有深怨不奈妬蛾眉

訊東田閉關不出

入林何太密閉戶但窮玄流水在屋外青山落枕邊藥從三

島得方自上池傳勅斷人間世逍遙一睡仙

春日遊茂嶼山莊同諸彥作

蘭舟一出郭步步可憐春沙草不禁綠谿花亦自新煙霞青
竹杖湖海白綸巾總爲疏狂甚豪吟不避人

雨望

高樓不可上一上一添愁落葉亂山暮滄江凍雨秋洩雲寒
抱樹決水曲通洲白髮何爲者空餘一劍留

十四至茂嶼山莊

一自逃空谷長爲山水雄每逢青眼客來伴白頭翁煮茗燒
松葉斟泉引澗虹瑤臺高不極徒倚勝秋空

戊籤卷七

明詩紀事

貴陽陳田輯

皮籟

張合 十一首

舍字愈光永昌衛人正德丁卯舉人有禺山詩集六

卷

四庫總目舍學出於李夢陽又與楊慎最契故詩文集
慎所評定慎序有曰張子文必弓左字必蒼雅其推
抱甚至然其病正坐此故毀續字句而乏鑄鑄變化
之功明人別有雕鏤堆砌一派舍其先博敷
升菴集愈光未明能詩有驚人句及長博極羣書條
入葉貫雄辯邃古神搜靈擊上獵漢魏下汲李杜
歌途鄂朝明光睡弗工弗庸弗似弗止
藝苑卮言張愈光詩如拙匠琢山骨斧鑿宛然又如
束銅網腹滿中外遺
國雅張愈光如蘭津天矯騰逸浮空張之鴻雁不傳

戊籤卷八

雲外字芙蓉空照水中花銅柱蒹葭鴻雁響鐵城煙
雨鷓鴣啼此例數篇非雕飾曼語
田按升菴謫滇滇人楊給事士雲王僉事廷表胡副
使廷祿李荊州元陽唐僉事錦張舉人舍與升菴遊
同時吳高河懋品題為楊門六學士六人中以士雲
及舍為傑出舍集中詩與升菴者彌望皆是升菴序
禺山集所謂於困窮節義之交萬言不竭者是也升
菴贈舍詩云迢迢周氏山珠壁交晶英兩美必相合
誰言容易并懷禺山云一刻一折扎一日一款襟禺
山歌云張子生長禺山野蒼鬢開日愛風雅翩翩欲
度正始前栖栖不肯開元下平生眼中人誰為愛才
者申臺何大復梁園李空同結交折行輩聲價騰煙
鴻壽張禺山歌云壽君十載前合樽促席在連然壽
君十載後問月停雲遙舉酒暇日檢海內交遊詩云
高河長句禺山律懷我好音三百篇海內絕句云張
含秀句滿天下二人襟契不淺詩格亦略相似惟才
遠不逮升菴耳

瘡痍

嬾慢棲巖壑憂時還淚垂祇聞徵彩石不復念瘡痍海涸魚

龍泣城荒虎豹馳歌謠無采使紀詠舍吾誰

離夕有贈效垂拱體

僊子武陵溪春深歸路迷翠翹迎露濕羅袖避風嗥留佩花
籠玉分釵月印犀金杯延落日酒醒各東西

日見潁川侯祠賦

野老爭傳潁川當時功業冠南滇平蠻營壘蒼山外破虜
旌旗白石邊祇見荒祠通落日不聞遺像照凌煙陰風古樹
無窮恨長爲英雄弔九泉

香祖筆記永昌王端簡公宏祚嘗屬余選張舍周山
集余尤喜集中潁川侯祠一篇足稱詩史至結句云
陰風古樹無窮恨長爲英雄弔九泉可以泣鬼神矣

歲暮寄升庵

戊籤卷八

二

頻年爲客棲滇海何日還家過錦城謝傳風神動王導李侯
佳句似陰鏗赤龍不見凌霄漢銅柱徒聞起甲兵時有交月
南兵事

浦霜橋牽別思嶺猿江雁總關情

無窮憶升菴

故鄉玉壘三千里翼域堂琅二十春峽道方言兒女解梵宮
新傷錫緇鄰鳳毛池上眞仙客龍尾關前老逐臣青史聲光
日月動白頭嗔應馬牛頻

圖籍珍收外史菴杖藜閒過老僧龕詩圓擬彈成何用世變

藏甚苦未諳陵下蒼華憐郭璞階前蘭葉對羅含高人自古
多垂釣上客今誰解左驂

避世

偃蹇疏狂散髮人青羹象飯不愁貧鄰翁問字攜村酒稚子
眠磯守釣罾肘露旋縫屨白衿山遊纜帶小烏巾誰知避世
尋源事只爲桃花不爲秦

長安旅夜

委巷積雪數尺深萬里鄉思絕難禁客子倦遊是何意梅花
未開空苦吟抱病維摩欲說法不眠阮籍須彈琴三更風急
鴻雁響慙慙哀音愁我心

六言呈升庵

憶昨高堦風雨三更燭下題詩遣避南鴻北雁月明滿地相
思

戊籤卷八

三

獨步

青竹園中獨步翻雲淹竹溪流春花一開雙淚春鳥一轉千
愁

有客約遊東湖不果

聞說東湖湖水清荷花荷葉滿湖生卽教閉戶從花盡莫遣
看花不盡情

張合一首

合字懋觀舍弟嘉靖壬辰進士授戶部主事改兵部
吏部歷員外出爲湖廣副使

田按懋觀與崔後渠論詩崔云唐人詩郊寒島瘦全
怪俱自成一家人詩皆是描紅未有白出機軸者
懋觀云唐人詩本於心如太白好酒飛卿好色者言
與心符故不可及今人詩與心迥異故格調雖規模

亡人而意味終不如此論爲當時摹古者進一解懋
觀詩惜不多見

過關

日斜候得聞夫來鼓擊鑼鳴開始開獨有龍船先得過南都

中使進鮮同

金大車 四首

大車字子有其先西域默伽國人明初歸義賜姓居

南京遂爲上元人嘉靖乙酉舉人有方山遺稿

金陵瑣事羽伯陳公評青溪社中四子詩云高汝州

近思雄壯奇拔馬國學承道博雅典則金文學子坤

清新秀明金孝廉子有則兼總諸長詞義雙美夫金

氏昆玉尙有詩集若高馬二公人且不知其姓名也

況於詩乎
列朝詩集子有從遊於顧華玉華玉極愛重之子有

復蹉跎入暮年之句陳羽伯怪其壯歲出語不祥死

戊籤卷八

四

時年四十四羽伯與其弟子坤掇拾遺詩定次百篇
田按子有與陳羽伯爲素交子有卒後羽伯有詩哀
之云大金吾夙好偉然清廟質五色煥龍鸞希聲中
琴瑟東髮友斯人畢志期作述沈冥同往歲蕭灑弄
文墨吾方墮塵網曠期阻親歷豈意南陽別歡好此
焉畢仰視天方曹巫咸不世出誦子臨歧贈洒淚空
永日其爲俯輩歎慕如此

漂母祠

王孫去不返淮水亦東流宿草封遺塚行人說故侯荒祠黃

葉暗寒渚白蘋秋一飯猶懷德空悲雲夢游

祝禧寺訪馬承道

地僻秋堂靜琴書此盍簪短檠禪榻暗微雨梵鐘沈絡緯鳴

莎徑松杉繞石林擁衾不能寢山氣夜蕭森

幽居

八五意和說不代五... 幽居

依依人境外，削迹散幽情。放棹晚潮至，閉門春草生。青蛉溪上浴，黃犢雨中耕。長日江村靜，惟聞伐木聲。

經廢寺有作

甫賦西

金身隨雨卧，紺戶藉風開。聽法龍辭樹，翻經石掩苔。藤花檐際，罨木魅洞中來。澗道千年檜，山僧手自栽。

金大輿

三首

大輿字子坤，大車弟。應天諸生，有子坤集。

朱緒曾金陵詩徵平湖高才，困於諸生曠達豪邁，不問家產名日起而貧，中甚有詩五百餘首，生時貧不能梓，卒後郭次甫囊中有一漢鼎，售四十金，遂刻其集。黃滔甫序謂大都清新婉麗，迴迴錢劉。

與文源朱二過溧陽道上

路歧苦奔峭，村舍多蕭索。遠水明石渠，疏雨散林薄。唧唧棲

戊籤卷八

五

鳥喧澹澹油雲幙，頽陽卽主人。野飯開山酌，窮途賴所歡。言笑解寂寞，丈夫江海心。何事勞羈縛，弭棹息遠遊。長歌耕負郭。

移居

素心厭囂雜，移居入窮巷。本無下宅心，所貴寡輪鞅。草蟲鳴樹根，秋花旅階上。三徑竹陰多，一樽時獨賞。荆扉白日掩，事罕絕塵想。不見古臺榭，今來唯草莽。願言謝天伐，窮居逃世網。

網

江上送陳元甫還江西

送君江上路，心逐斷雲飛。野飯投孤館，寒霜照客衣。烏衝黃葉下，潮帶白蘋歸。故國方兵火，山中晝掩扉。

馮惟健 一首

惟健字汝強臨朐人知府裕子嘉靖戊子舉人有陂

門集八卷

海岳靈秀集陂門集奇思駿發古選冲逸近體嚴整
大沁山房集汝強才情駿發超然絕塵
漁洋詩話馮氏自閩山先生起家進士以詩名海岱
間有四子惟健惟重惟敏惟訥皆有詩名惟敏兼工
詞曲惟訥纂古詩紀風雅廣逸諸書有功藝苑

舊歲八月送舅氏及弟至下關今秋出餞蔣丈復來江

許觀山河風景有慘舊別

不見涓陽信空懷杖杜憂寄書驚別路送客感深秋見說之
河洛何時到錦州遠人應貯望去矣莫淹留

馮惟重 二首

戊籤卷八

六

惟重字汝威惟健弟嘉靖戊戌進士官行人有大行

集

大沁山房集惟重刻意爲詩無大厯以後語

冷氏園亭待宋一川不至

宛宛淩溪曲誰家雙竹門烏啼松菊徑人坐桔槔園白板明
斜日青山帶遠村美人殊未至搔首對平原

遊張氏園

翠柳窺窗碧朱顏映酒紅花枝清沍露蒲葉自翻風荒徑思
陶令名山對謝公酒闌仍悵望家在海雲東

馮惟敏 七首

惟敏字汝行惟重弟嘉靖丁酉舉人除涑水知縣改

鎮江教授遷保定通判有海浮山堂詩稿石門集

藝苑厄言馮汝行詩如幽州馬客雖見仇復殊乏都雅

大泌山房集汝行文不為刻削語情事者指掌上填

詞尤號當家西北人往往被之絃索

海岳靈秀集海浮詞雖逸而氣弱律雖協而調卑

列朝詩集汝行善度近體樂府盛傳於東郡王元美

謂李尚實先芳張職方重劉侍御時達此調皆可觀

而惟敏獨為傑出其板眼務頭攢槍緊緩無不曲盡

而才氣亦足以發之余所見梁狀元不伏老雜劇當

在王漢陂杜甫春遊之上詩雖未工亦齊魯間一才

人也

山左明詩鈔張廷宋惠夫云海浮山在臨朐縣南二

十五里石青色無寸土上有古松數百株松下野生

迎春花時望若金嶺下即海浮松別業危樓三楹

顏曰憑襟取水經灑注語也左右古木千章修竹數

十畝干霄蔽日夏不知暑舊署杜句為聯云名園依

綠水野竹上青青可謂切矣北臨治泉一名熏冶水

發源山之數中產鮑最美客至主人舉網為膾深淳

泓游鱗可飲中產鮑最美客至主人舉網為膾深淳

臥雲即江南等亭並在竹林中石門亦勝地似靈巖

而差小先生集名以此

田按臨朐四馮朱中立首推汝強詩王秋史謂汝威

為四集之冠朱竹垞謂汝言詩華整可觀其賈氏之

禽言三首

鳳凰不如我竹實醴泉真瑣瑣何不委形濁世中飛鳴飲啄無不可鳳凰不如我

報穀報穀透犁好雨夜來足不愁田中惡草多但願年年風雨和夜來雨急風聲惡聞道村南一尺看老翁歸來語老妻

村中報賽烹鳴雞

向前還好可惜今年種田少早知今年勝去年即死不賣山南田欲向靈禽頻借問禽言昧遠唯知近能知歲事報陰晴不知官租重與輕

戊籤卷八

七

黃見源再過小齋而余闕一造謝微名羈人無論遠近

雨中話舊漫賦此章

欲渡西津屢未能閒官猶自愧良朋微茫一水成疏越咫尺
三山阻共登每憶春風燕市酒重憐夜雨郡齋燈高情從此
頻過訪首宿盤餐恐不勝

夜登金山絕頂

亭在丹青第幾層翛然吾與月同升望中更覺天無際立處
惟愁地不勝風靜沈沈聞梵磬雲開隱隱見漁燈吏情最喜
滄洲近欲託幽棲恨未能

紫荊關閱武

萬年天險關鴻濛不數嶠函百二雄勅使觀兵中執法守臣

戊籤卷八

八

分輔右扶風從來肘腋三關重此去華夷一路通今日正煩
廊廟策安危何獨在元戎

貽獨往生

不見獨往生依稀想幽事買藥遊江城夜宿城邊寺

馮惟訥

七首
馮惟訥 七首 別然音與民同代筆中興費天無測立

惟訥字汝言惟敏弟嘉靖戊戌進士除宜興知縣改

魏縣歷蒲州知州揚州同知改松江徵授南戶部員

外進郎中改兵部出爲陝西僉事歷河南參議浙江

副使山西參政按察使陝西布政使改江西加光祿

卿致仕有光祿集十卷

四庫總目馮惟訥古詩紀前集十卷皆古逸詩正集一百三十卷則漢魏以下陳隋以前之詩外集四卷附

錄仙鬼之詩別集十二卷則前人論詩之語也時代
脈長採摭繁富其中真偽錯雜以及抵牾舛漏所不
能無故馮舒作詩紀匡謬以糾其失然上薄古初下
迄六代有韻之作無不兼收溯詩家之淵源者不能
外是書而別求固亦探珠之滄海伐木之鄧林也
藝苑卮言馮汝言詩如晉人評會稽王有遠體而無
遠神

海岳靈秀集少洲詩俊逸秀麗縱橫繩墨間時出奇
鋒

列朝詩集汝言有光祿集評其詩者以爲博洽多聞
自出爲鮮

送杜明府謝政還遼

仙郎逸氣橫朝野
傲岸不落風塵下
邴丹六百輒免官
王陽九折能旋馬
羈心浪迹日悠悠
楚水吳山十度遊
秋風君度紅驪積
知我題詩白鷺洲

同葉司法登北固山甘露寺

戊籤卷八

九

紺園臨楚郭
碧巘控吳關
閣道傳多景
江光合二山
雲隨前代盡
歌及此身閒
况是逢山簡
誰能不醉還

送王閣山赴均州別駕

迢遞糜城道
看君白髮新
孤猿楚山夜
芳草漢江春
去國懷明主
憐才憶故人
呂虔如有贈
時拂寶刀塵

隴州閻氏水亭延栢泉小集

習家臺榭枕滄浪
飛蓋西園共舉觴
一徑花香含宿雨
千林樹影帶斜陽
莫辭醕酎留山簡
自喜追隨有葛強
明發征輶各回首
蒹葭秋色正蒼蒼

至都始見峻伯留宿解舍

可憶毘陵夜
雪船亂帆相背
各風煙探囊詩卷
行堪把計日

心期又隔年秉燭更疑成別夢當杯翻怯近離筵同遊自昔
多豪彥獨對狂歌倍黯然

毘陵舟中夜別萬吳二明府次俞汝成韻

渡口雲深樹色蒼孤舟寒雨共離觴憑君莫話從前事只是
無言已斷腸

皋蘭觀兵

露骨山前月色高夜聞胡騎在臨洮將軍未挂平羌印獨倚
長虹看寶刀

栗應麟 三首

應麟字仁甫潞州人嘉靖己丑進士除陳州知州歷

順德同知遷陝西僉事有去陳集家藏集碧虛漫興

戊籤卷八

十

四溟詩話晉川詩清雅不減劉文房
路安詩鈔前編程二漳曰晉川詩集大梁高叔嗣爲
之序稱翰林唐荆川許栗氏兄弟詩可傳世

謝茂秦將赴晉陽留餞園亭以詩識別分韻得秋字

盍簪方讌晤引轡復西遊草白晉陽路霜清汾水秋詩名無
去住客計有淹留心在浮雲外飄然不繫舟

山居閱道經

棲幽寡繁繫端坐閱玄書深院無塵雜閒心自靜虛煙霞悅
野性水竹伴山居不是能甘廢疏庸與世殊

古意

抱瑟空相憶臨妝復自疑宮中莫深妬妾豈是蛾眉

栗應宏 八首

應宏字道甫應麟弟嘉靖乙酉舉人官南陽通判有
太行集十六卷

四溟詩話道甫弱冠工詩與兄仁甫齊名所作含英咀華風調寬別其論詩曰詩貴解悟識有偏全斯作有高下古人成家者如得道故拈來皆合拘拘於述者未矣又曰詩莫古於風雅皆可解漢樂府有不可讀者聲詞雜寫之誣由譜錄爾
列朝詩集高子業解司封歸道甫擔簦相造雜黍定交子業作紫團山人歌贈之云紫團高山槩青雲栗家兄弟殊不羣陳州一出驅五馬令弟二十窺三墳田按道甫兄弟與謝茂秦高子業遊甚有詩名近體沈思研鍊不落尋常蹊徑

遊五龍山

巖壑古留迹藤蘿春可捫遊人歷世代零露越朝昏鶴夢通
雲島猿嘯下石門浮沈只自異感念復何言

西還留別李嵩渚僉憲

戊籤卷八

七

并州舊辟士梁苑惜離心飲餞洪河滸言旋王屋岑白雲看
是伴芳樹若爲吟遙憶惟明月松窗理玉琴

贈古鏡禪師

福德茲方久眞知老益耽村居皆法食弟子徧行菴飛杖山
泉落開經猿鳥參本來無住著何異古瞿曇

登泰山

泰嶽崑崙凌碧空魯宮漢峙草煙中淒淒零露朝昏易漠漠
浮雲世代同東度欲隨蓬島客上清期謁玉宸宮海田陵谷
尋常變安得神遊一御風

龍山中行漸及幽遠

晴巒遠近草煙濃屨杖逍遙世外蹤採藥偶然逢異境看雲

不意入羣峯橋邊父老說黃石山上仙翁憶赤松自覺漢陰
機已息茲遊麋鹿遂相從

寄酌謝茂秦都中見貽

有客高懷共酒樽歧途悵望別都門鄴中才子能爲賦稷下
先生久放言日暮冥鴻經旅館春初芳草憶王孫思君欲寄
清漳水直到檀欒修竹園

柏谷

柏谷東連十八盤山行時到玉虛壇黃庭道士能留客旋煮
人蓀作早餐

都城別二皇甫謝山人

燕中春盡塞鴻鳴久別相逢俱客情斗酒與君相共醉浮雲

戊籤卷八

三

聚散不須驚

候一元二首

一元字舜舉樂清人嘉靖戊戌進士除南刑部主事
歷員外郎中出爲廣東參議歷河南副使廣西雲南
參政廣西按察使河南江西布政使有一谷集二十

卷

靜志居詩話二谷詩雖率易然有真趣

寄石屋

一枝棲已定舊業未全貧白水連三畝青山作四鄰烏蟲披
古篆牛馬應時人獨愛林間月無由寄許詢

夜渡甌江

隕色度歸橈長風動沈寥漸藏江岫月正落海門潮委運同
飄瓦全生學緯蕭江湖易成夢頓欲謝清朝

侯一磨一首

一磨字舜昭一元弟有龍門集

和家兄南塘書懷

人意各有適自得貴不違潛虯本淵媚冥鴻入雲飛南塘山
水清可以築釣磯日夜起棹歌處處見樵漁野老多農語東
鄰聞讀書當知陶晏意奚必市塵居

何良俊二首

良俊字元朗松江華亭人嘉靖中貢生以薦授南翰

林孔目有柘湖集二十八卷

戊籤卷八

三

四庫總目良俊頗有文名所作縱橫跌宕亦時有六朝
遺意而落筆微傷太快殆亦才人輕脫之習歟
司勳集吾鄉文徵仲以推擇待詔金門後十餘年
而蔡九達繼為南孔目爛於文辭聲聞藉甚世傳南
館集云後二十餘年而何君繼之村甫草堂開於潭
水羅舍精舍寄之江陵加以談若懸河識同藻鑿車
騎填門履綦香座狎梵侶以立探結勝流而鷗詠每
一篇出匪但藝苑翕推而閭巷遞誦君又妙解音律
晚畜聲伎樽壘傾於北海絲竹理於後堂躬自倚歌
尤長顧曲江左餘風不在茲乎
列朝詩集元朗清詞麗句未逮文蔡然文以修謹自
勵蔡以豁刻見譏元朗風流豪爽為時人歎羨二公
殆弗如也
靜志居詩話元朗詩頗率易其買宅句云一須焦革
鄰舍二要秦青對門興固自豪第乖好樂無荒之旨
矣
田按柘湖放誕不羈賴有才情足以濟之

白下春游曲

萬片天桃迎笑靨千條弱柳鬪纖腰潘妃死後芳魂在散作

城南一段嬌

聽李節彈箏和文水韻

汨汨寒泉瀉玉箏泠泠標格映清冰愁中爲鼓秋風曲不負

移家住秣陵

列朝詩集教坊李節箏歌何元朗品爲第一盛仲交有元朗席上聽彈箏詩云酒清香蕩夜擲箏絃上涼生六月冰但許風流擅南館不教飛夢繞西陵交文水和之云泠泠寒玉寫秦箏片清聲似斷冰一曲渾疑李憑在不知秋旅是金陵元朗又和之云金陵全盛時東橋每宴集必用教坊樂以箏琶佐觴武宗南巡樂工顧仁隨駕至北京在教坊學得金元人雜劇詞何元朗家小鬟盡得之老頓言此曲懷之五十年今供筵所唱皆是時曲此等詞並無人間及不意垂老遇知音也

何良傅一首

良傅字叔皮良俊弟嘉靖辛丑進士除行人遷刑部

戊籤卷八

齒

主事改南禮部歷員外郎中有禮部集十卷

田按分宜官南祭酒時叔皮以文受知厥後分宜入政府元朗因得官翰林觀叔皮致分宜書可見二何集中感恩之作不一余謂此等著作為玷不小二何宦亦不達爲此瑣瑣徒貽千古笑端

宋欽齋叔丈有詩見懷遠寄金陵次韻奉答

羨公飽邱壑愧我逐風湍河上一云別盟言三載寒銀缸花

自落江館雁堪憐回首蕭塘曲吳雲倍黯然

王昺一首

昺字文晦侯官人參政佐孫嘉靖壬午舉人授海門

教諭歷國子博士監丞遷戶部主事有晴川集四卷

邳州守歲

守歲邳州道羈孤萬里情鐘聲鄰子廟樹色項王城栢葉愁

相對燈花黯不明難成鄉國夢風雨破長更

王杲一首

杲字文旭昺弟有怡漫集

病中寄傅木虛諸子

伏枕滄江上終朝苦憶君幾時同夜月一別已秋雲
香漢青燈夢江湖白雁羣
閩山與吳水誰爲寄感勸

戊籤卷八

五

明詩紀事

貴陽陳 田輯

戊籤

李開先 二首

開先字伯華章邱人嘉靖己丑進士除戶部主事改吏部憲員外郎中擢太常少卿有中麓閒居集十二

卷

四庫總目嘉靖初開先與王慎中唐順之熊過陳東任瀚趙時春呂高稱入才子其時慎中順之倡議盡洗李何剽擬之習而開先與時春等復羽翼之然開先雅以功名自負既廢以後猶作塞上曲一百首以寓其志又閒居集未卷有蘇息民困或問及顏神事宜睿渠私議潔議諸篇汲汲於經世不甚爭文苑之名故所作隨筆揮灑一篇或至數千言其詩亦往往疊韻至百首其持論確於李何而終不能奪李何之壘

戊籤卷九

坊蓋有由矣
海嶽靈秀集中麓積書好客豪宕不羈著作甚富如
魏嶽縱橫江海泛溢一韻百篇蓋白樂天之流也然
詞意浮淺多何尚焉
列朝詩集伯華弱冠登朝奉使銀夏訪康德涵王敬
夫於武功郭杜之間賦詩度曲引滿稱壽二公恨相
見晚也罷歸置田產蓄聲妓徵歌度曲為新聲小令
擲彈放歌自謂馬東離張小山無以過也為文詩不
循格律詠諧調笑信手放筆所著詞多於文文多於
詩改定元人傳奇樂府數百卷嘗謂古來才士不得
乘時柄用非以樂事繫其心往往發狂病死今借此
以坐消歲月暗老豪傑耳
田按嘉靖入子王道思唐應德之文目是一代傑出
詩則道思體頗清俊尙不足與邊徐角勝何況李何
陳約之善論詩而所作殊不稱其言作畫品尤類放
頗稱好事藏書畫極富自負鑒賞作畫詩次類明
人以戴文進吳偉陶成杜華為第一等倪瓚莊麟為
次等而沈周唐寅居四等王漁洋香祖筆記云伯華
論畫與吳人頗異王弇州與之善嘗言過中麓草堂
觀所藏畫無一佳者而伯華謂文進畫高過元人不
及宋人亦未足為定論漁洋與伯華為鄉曲且不能
為之左袒矣

讀書省悟

多取不為貪詩書僻性耽借鈔先館閣

內書原陳芳洲奏請自南都移來共八十

廚掌以典籍後遷代不常因而攘竊抵換存者無幾例許鈔覽必先具領狀以時繳納世所謂讀中祕書者是也今館中諸君不得如前博覽及瞿曇譽望慚書麗文章效濟南

南若無眞實行萬卷總空談

靜志居詩話中麓藏書之富甲於齊東詩所云豈但三車富還過萬卷餘又云借鈔先館閣博覽及瞿曇是也先時邊尚書華泉劉太常西橋亦好收書邊家失火劉氏散佚無遺獨中麓所藏百餘年無恙近徐向書原一購得其半予嘗借觀愛籤帙必精研朱點勘北方學者能得斯趣殆無多物色也聞中麓後人尚餘殘書數十部巡撫丹徒張公物色之中有陸農師禮象一編張公歿後訪之不能得矣

塞上曲

堂上張燈酒正豪帳前駿馬縮寒毛忽聞羽檄傳來急上馬

戊籤卷九

醜醜弄寶刀

王慎中十三首

慎中字道思晉江人嘉靖丙戌進士授戶部主事改

禮部復改吏部歷員外郎中謫常州通判遷南戶部

主事歷禮部員外出為山東提學僉事歷江西參議

河南參政有遵巖集四十卷

四庫總目正嘉之際北地信陽聲華藉甚教天下無不讀唐以後書然七子之學得於詩者較深得於文者頗

淺故其詩能自成家而古文則鈞章棘句割襲秦漢

之面貌遂成偽體東稱慎中為文初亦高談秦漢謂

東京以下無可取已而慎中會鞏演進詳瞻卓然成家與

作一意師仿尤得力於會鞏演進詳瞻卓然成家與

唐順之齊名天下稱之曰王唐詩則初為與順之相

歸田以後又雜入講學之語頗然自放亦與順之相

似朱彝尊明詩綜乃謂其五言文理精密副響頡頏

而論者輒言文勝於詩末為知音今考集中五言如

游西山普光寺睡起登山遊大明湖諸篇固皆遂
穆簡遠七言如每夜猿聲如舍裏四時山色在城
萬井遙分初日下羣山微見遠煙中琴聲初歇月挂
樹蓮唱微聞風滿川亦頗有風調然綜其全集之詩
與文相較則淺深高下自不能掩文勝之論殆不盡
誣釋尊之論不揣本而齊末矣

中麓間居集遵嚴在留都與龍溪王畿講解王陽明
遺說參以已見曩惟好古漢以下著作無取焉至是
始發宋人書讀之覺其味長而曾王歐氏文尤可喜
眉山兄弟猶以為過於豪而失之故以此自信乃取
舊所爲文如漢人者焚之唐荆川見之以爲頭巾氣
遵嚴言此大難事君試舉筆自知之未久唐亦變而
隨之矣嘗言吾之詩文不外古人而有高出古人者
中麓正知敬服唐荆川殊不知荆川特得吾之緒餘
也其大言如此

藝苑卮言王道思詩如驚弋宿鳥撲刺道迅殊愧幽
問之狀

國史唯疑擬人必於其論王道思序唐荆川集謂江
左自季扎言優之後惟唐一人涉過譽吳中闕然薛
方山答王槐野書吳如唐陸贄宋范仲淹鄒浩非盡
乏人唐豈得優然其上乎唐亦有自嘲詩力希顏氏
何能望竊比言誇未敢妄爲王序發也

戊籤卷九

三

列朝詩集道思詩體初宗豔麗工力深厚歸田以後
摛雜講學信筆自放頗爲儒林口實略與唐應德相
似
東南嶠外詩話道思詩世事浮雲機久息故園芳草
萬空遺世態無端爭夢裏人生何事勝樽前蘊藉自
然令人三復不厭
田按道思五律與同時皇甫子安華子潛輩相較略
無愧色陳臥子明詩選不錄道思一篇毋亦爲兪洲
厯下之論所懾歟

白鹿洞書院作

昔賢敦雅尙設教託靈壤妙得高深理非關山水賞道因名
勝尊神以流行養時去迹空留風存化猶廣宏基茂草餘巍
構浮雲上忘幾鳥頻飛有懷予獨訪林芳鬱紛敷庭木自滋
長泉石有餘清絃歌遺響川水逝如斯山形高可仰徘徊
西日斜惆悵前人往

由撫州之建昌道中宿山寺

客行亦已倦投足秋山深月色空香徑清宵宿道林蒼松多
古意流水有餘音釋子一相偶聊忘生滅心

德安公署雨中書懷

荒齋掩夕景倦迹易淹留細雨同寒意空山向暮愁逢迎還
自懶鞅掌祇增憂抱此微軀病何能爲世謀

蔣方伯行部德安走筆奉柬

離抱易爲感復此芳春時雜英委閒徑好鳥鳴高枝坐惜歡
言阻空令淑景馳方聞整駕去惆悵獨來遲

發東林寺登廬山絕頂還過留止

年來知淨理在世比虛舟偶此同生滅因之任去留色空廬

戊籤卷九

四

阜起禪定虎溪流已矣東林社長廊榭葉秋

宿湖中

蒼茫煙景晦舟楫自如家宿處隨鷗鳥秋初惜月華遙心連
浦雁歸夢滯江花爲客誰知者疏燈水一涯

署中讀書

雨散空堂靜簾簾微月初古人聊取對塵事自相疏曲几螢
光映殘編蠹簡餘不緣嫌簿領飾律用經書

春日永甯寺山亭顧中丞招遊

煙曉雨初晴亭皋春日輝相從窮宴賞一倍惜芳菲柔草纔
勝藉新條恰拂衣謝公方愛客日暮不言歸

金山雜詩

康定陵前栖夜烏盤林鬱鬱鎖松梧總聞再造驅戎虜不見
千官拜鼎湖內使司香開寢殿祠臣常祀掃金鋪翠華縹緲
空中度絳節靈應羣帝俱

登江東城樓

花片飛飛柳色深登樓一倍攬鄉心長隄煙草迷人去遠寺
斜陽帶磬沈江水無風時起浪春雲不雨每成陰躊躇滿目
誰相會惆悵前林倦翼禽

夏日燕惠山同荆川是堂諸君

茲山誠負勝野性本耽幽偶獲盍簪會聊爲結駟遊桂觴臨
曲水蘭帳俯崇邱廣坐清光滿層軒空翠淨升高憑四覽撫
景散千憂芙苑林端見長湖天際流巖花如共笑谷鳥亦相
求翻愧蓬飛客來參竹社遊

戊籤卷九

五

滄洲道中寄蔡道卿

冷冷風舉碧羅裳一曲隸桐月在牀寂歷寒波兼墜葉不知
何處是瀟湘

涼州詞

莽莽平沙雁不飛馬頭誰復寄征衣欲知春色惟憑柳柳葉
初青春已歸

唐順之 八首

順之字應德武進人嘉靖己丑進士授兵部主事改
吏部尋改編修歷右春坊司諫上疏請朝東宮奪職
爲民起兵部郎中視師浙直超拜僉都御史巡撫淮

陽天啟中追諡襄文有荆川先生集十二卷

中麓閒居集荆川素愛空同詩文篇篇成誦且一
傲傲之及遇王遵嚴告以自有正法妙意何必雄豪
亢頑也故癸巳以後之作別是一機軸有高出今人
者有可比古人之未嘗不多遵嚴之功也
藝苑卮言近時昆陵一士大夫始刻意初唐倚華之
語亦既斐然中年忽自竄入惡道至有味為補虛一
試肉事求如意屢生嗔又若過顏氏十四歲便了王
孫奔月兒裏角力則一幾滿山沙邊鳥共天機語擔
齊奔月兒裏角力則一幾滿山沙邊鳥共天機語擔
人問蒜蜜腸等語遂不減登山沙邊鳥共天機語擔
上海挑太極行為詞林笑端
國雅唐中丞應德詩稱名家蚤居翰苑便躋貞觀武
德華燭及還毘陵直造開元大歷妙處並足流馨詞
林
詩數嘉靖初為初唐者唐應德袁永之署文升王汝
化任少海陳約之田叔不為中書者皇甫子安華
子潛吳純叔陳鳴野施子羽蔡子木等俱有集行世
就中古詩冲澹當首子潛律體精嚴必推應德
國琛集應德初務清華晚趨險怪考其所撰若出二
轍故譽有所自毀亦隨之

戊籤卷九

六

明詩選陳臥子曰應德氣象爽邁才情駿發使能深
造當有超乘其後馳驚功名詭託講學遂頽然自放
國史唯疑翁萬達親執小卒手與論心幕客常數十
人至躬拜參游之母士因感奮即周尙文健門亦賴
翁駕取唐荆川詩得一降胡如愛子用三敗將立奇
功極力寫出
吳錫麒有正味齋日記慈仁寺殿左宵碑聳立乃成
化二年御製詩但稱為太后祝釐而建孫國枝燕都
游覽志云寺本為周太后弟吉祥建當時蓋諱之也
唐應德詩云同行更說前朝事繡蟒銀魚有故僧是
也

田按嘉靖初學初唐者如薛君采皇甫子安七古詩
便不能佳無論餘子蓋其調圓轉流利須擇題而施
惟何大復明月篇最為傑出以其才高蘇門袁示也
五律一體人握隋珠君采子安兄弟自蘇明表示之
唐應德陳約之輩不可勝數應德古文自是明表一
大家詩學初唐律體自有佳篇厥後談兵講學不復
能唱渭城潦倒頽放弇州臥子之論具在不必為之
諱也

寓城西寺中雜言

誰言龍藏遠亦在鳳城旁塔湧金銀界筵開功德場常明瞻
慧月利涉藉慈航沈痼還能遣齋心奉藥王

送陳翰林松溪謫居朝陽古韻
天連窮髮國地近下雞鄉禁闕心偏遠關河望轉長翻飛看
鳳隱消歇怨蘭芳此路饒荆棘思君欲斷腸

暮春游陽羨南山
花落已成蹊村村綠葉齊一圓通蝶路千嶂隔鶯啼澗草多
名蕙山人舊姓嵇窮歡猶未返忽是夕陽西

南苑

秦園盧橘標炎節漢苑蕤荷駐羽旗雲氣自依雕輦集星辰
故繞畫梁飛林行草木皆成隊水戲魚龍各合圍更取薰風

戊籤卷九

七

調曲奏已看陽谷藉光輝

送王翰林浙江兵備副使
同時詞客不如君一劍還將靜海濱雜舌舊從香署吏虎符
新領伏波軍帆檣萬里輸鮫織樓閣三秋吐蜃雲自笑馮郎
將白首欲從幕下策奇勳

題龍池菴相傳伏虎禪僧開山處頂有龍井蜥蜴見則

雨恐蘭茂也

遠游爲訪白雲巖轉盡孤峰路更南龍見小身時出井虎馴
大士舊開菴禪心客思俱潭水古佛寒松共石龕坐對老僧
無一事夜深相與說楞嚴

嵩陽宮柏

嘉樹植崆峒年長勢更雄已無秦帝幸尚有漢皇封幹比孤
生竹根猶半死桐靈泉玉女灌甘雨嶽神通葉密鳥難度林
樛葛易蒙垂陰九華帳弄影五雲宮色掩重巖翠聲含眾竅
風竇來虬蓋偃仙去鶴巢空非因不材壽春秋自無窮

塞下曲贈翁侍耶總制

少年意氣王千斤鐵棒曾穿萬虜羣壯士從來不病死孤兒

今屬羽林軍

陳東七首

東字約之鄆人嘉靖己丑進士選庶吉士改禮部主
事歷員外復授編修出爲湖廣僉事歷福建參政遷

河南提學副使有后岡集二卷

戊籤卷九

八

四庫總目東與唐順之爲同年共倡爲初唐六朝之作
以矯李何之習而所學不逮順之年僅三十餘而卒
文章亦未成就故順之終以古文鳴而東無稱焉
中麓閒居集后岡詩每情會景來思奇興發一篇成
則一篇便可名世大抵李何之偏李何之初唐
后岡則又矯李何之偏李何之初唐
司勳集陳子方歸於終童比才於賈生雕章綺合藻
思羅開考其遺編早鑄四傑晚鎔二張迺軫於平原
晞駕於康樂麗於游燕充於入洛雋永於浮湘備於
藝苑厄言陳約之詩如青樓小女月下笙篴初取閒
適終成淒楚又如過雨殘荷雖爾哀落嫫然有態
國雅陳學憲約之余讀其集篇篇都秀潤句句少警
拔亦就色象中自然寫出如波擊菡萏淨麗天萬尚
未嘗笑
列朝詩集約之初與唐應德輩倡爲初唐以矯李何
之弊厥而稍厭縟靡心折於蘇門
明詩選陳臥子曰約之典禮之作精麗典重不減沈
宋
靜志居詩話約之取細六朝亦稱典則
田按約之高蘇門集序闡明詩緒正變得失言言科
律字字珠玉豈在多乎今觀所作意極矜鍊境乏闕

深趨步雖工音節未壯良由賦質荏弱又傷早逝採
錄遺詩爲之二歎

過徐李二子再遊東林寺

入山禮名禪山深變炎夏清飆激層欄流水注戶下孤磬遠
煙微長廊飯僧罷豐結塵外蹤緬懷遠公駕虎去識舊溪蓮
開見遺社四禪邈難依百齡竟安假冥心合委和曠覽齊物
化疏達任吾生塵玄兩相謝

送張秀才省兄還句章

臥病寡營慮閉關生道心還聞異國去忽動故鄉吟海樹延
寒色山城結暝陰懸知康樂思春草別來深

公安得應德村居詩酬贈

相期邱壑意帳望海雲深更落淮南葉愁聞吳會吟祖生先

戊籤卷九

九

著策頁禹未投簪言貫盈尊酒歸來共竹林

送張子言

送君已蕭瑟况復值秋時鄰比存千里勞歌起四思口有張
生舌囊無季子貫空聞說詩好到處解人頤

伏日構溪上疏乞休

夙昔秉玄志凌翰升紫臺雄談迴馬辯巨藻顧龍才輝光四
座滿軒蓋五方來不求文仲舉甯論公孫猜一朝分楚服三
載滯江陵辛涼峴山淚悽斷郢門哀感往情彌吝懷來節易
摧屈平形稍頓潘岳鬢全衰瓠質甯須用蓬心信不開題書
移魏闕畢志在蒿萊

辰州送王兵憲

奉命宣威建節旌翩繡服照山城傳章遙識蠻酋拜負弩
新看縣令迎臘月梅花催別騎春原柳色待行營此日西南
須靜鎮知君無檄諭耆毗

高陽行

高陽年少事橫行重俠由來不重生奪得寶刀搖雪色騎將
飛馬蹙風聲

趙時春一首

時春字景仁平涼人嘉靖丙戌進士選庶吉士改戶
部主事復改兵部以建言下獄黜爲民起編修兼司
經局校書以言事再黜起兵部主事遷山東按察僉
事進副使以右僉都御史巡撫山西有浚谷集十七

戊籤卷九

十

卷

四庫總目時春詩文多慷慨自喜不可拘以格律

送大學士石門程公巡邊東旋

四海共皇風分憂切土公位兼八座重鎮屬九邊雄文武仍
才傑經綸翊聖功揚旂截塞外曳旆度湟中嘉善傳周賚錫
金侈漢宮便蕃來寄譯歌舞遍華戎萬里鳴鞭下三軍挾纊
同台光方燦爛時雨亦零濛纔出天山北更之鳴澤東旗翻
關月黑緋映海鹽紅尙憶吟鴻雁無勞歌早蝨橐戈安衽席
席士共旂幟迢遞皇華節旬宣帝澤洪先驅紛虎豹上略藉
夔龍麟閣威儀著鳳池勳業崇履應旋斗柄劔已過崆峒隴
相空圖史梁公富藥籠明謨多俊乂登用及愚蒙庸敢玷蘭

室終當返桂叢他時擊壤頌元凱奉重瞳

任瀚四首

瀚字少海南充人嘉靖己丑進士選庶吉士改吏部
主事歷員外郎中改春坊司直兼翰林檢討有忠齋

集

田按少海詩音節抗明在嘉靖八子中自爲一派與
前後七子略近

病懷二首

杪秋霜露至暮夜極蕭森別館砧聲切嚴城寒氣深盧龍邊
月苦涿鹿陣雲深牢落江關夢摧傷鴻雁音

茂陵已多病宋玉復悲秋江遠音書斷天寒鴻雁愁霜燈見

黃葉隋開皇寺名
今爲天甯風露下長楸永夜那能寐含悽吟白頭

戊籤卷九

十一

晚次閩州滕王臺

蘆荻陰陰王子臺秋濤冥冥後嘯哀黃雲古戌踏歌去落日
千帆賈客來江鴨倒窺如意舞岸花斜映接離開月明水深
不可渡石壁繫纜魚龍迴

咸陽東樓望闕

漏下寒關鼓角雄秋清絲管郡樓風正思袞冕春天上細聽
簫韶月露中身世留連雙鳳闕乾坤衰晚一漁翁承明官閣
文華署玉珮遙知委上公

熊過一首

過字叔仁富順人嘉靖己丑進士選庶吉士改禮部
主事歷員外郎中坐事斥爲民有南沙集八卷

田按嘉靖八子惟叔仁詩罕見選家多不及余從費經虞劍閣芳華集獲詩一首

題王生卷

烽火恆山遍近途雲中南畔是天都詞臣記得瑤池事王母

西傳益地圖

呂高一首

高字山甫丹徒人嘉靖己丑進士授戶部主事改兵部歷郎中出為山東提學副使遷太僕少卿有江峰

漫藁

暮秋述懷

瀟瀟寒雨對高秋寂寂空牀擁敝裘歸向釣天頗有夢挽回滄海獨無謀平生頗愛任公子末路方思馬少游珍重故人

戊籤卷九

十一

招隱意家園南郭可淹留

... 瀟瀟寒雨對高秋寂寂空牀擁敝裘歸向釣天頗有夢挽回滄海獨無謀平生頗愛任公子末路方思馬少游珍重故人招隱意家園南郭可淹留

西傳益地圖

烽火恆山遍近途雲中南畔是天都詞臣記得瑤池事王母

題王生卷

田按嘉靖八子惟叔仁詩罕見選家多不及余從費經虞劍閣芳華集獲詩一首

戊籤

鄧黻一首

黻字文度其先松江華亭人徙常熟正德丁卯舉人

列朝詩集文度以通經博古爲學常做呂成公大事紀論次古今得失類成卷帙曰如有用我執此以往詩學昌黎東坡不肖時調爲文有體要陸子餘歸希甫皆稱之

慧日寺十八大阿羅塑像

至人自藏珍古貌元氣備搏土造佛徒追眞信難事亭亭青蓮宇諸天莫其位尊者十二輩高座納雙屣覺能越幾先慈欲放踵施龍驤以珠象虎跳以呪弭目瞑澄淵黑頂突華峯

戊籤卷十

一

翠若眞外形骸能以理勝自嗒然了得喪何有立同異塵柄操瑩玉寶花自空墜想當經營初其手空俗士我思彼尊者所造亦深邃函經入方夏後乃道宏肆以空攝萬有以道獵衆智窮山養枯骸野鳥習其髻善士瞻梵相瓶錫此焉侍安得如此塑慰我懷古意

汪本一首

本字以正歛人正德丁卯舉人有西巖集

王寅新鄒秀運集以正童稚性解爲詩弱冠挺興遂傳高唱若愁邊草木歇夢裏關山多有懷成遠詠無伴趁朝行野草不媚世沙鷗甯近名皆潛思取境不落常情

晚興寄羅子應程師魯

白日下平埜長風起層波美人不可見消息今如何愁邊草

木歌夢裡關山多惜哉歲云晏回首鬢將皤

吳益夫 一首

益夫字惟裕閩人正德丁卯舉人武學教授有古迂集

長干柳枝詞

橋頭春水拍春隄楊花柳花撩亂飛長條總破行人折那復青青上舞衣

周允中 一首

允中字宏道金鄉人正德丁卯舉人歷官西甯參議有南莊詩

和南灣亭

戊籤卷十

一一

南灣亭子澗之南雲影天光一鑑涵翠柏依巖巢水鶴青山拔地聳晴嵐人如元白詩千首夢到羲皇酒半酣聞說往來有畸士相逢半日劇清談

呂枏 一首

枏字仲木高陵人正德戊辰第一人及第授修撰以議禮下詔獄謫解州判官改南宗人府經歷就遷吏部郎中歷尚寶卿太常少卿詔拜國子祭酒擢南禮部侍郎隆慶初贈禮部尚書諡文簡有涇野集三十

六卷

田按涇野及第後以忤劉瑾引疾去厥後康對山以救李空同謁劉瑾牽連放斥涇野與對山詩唱和相得甚歡能諒其心故也講學與陽明良知不合時陽明倡學東南當路者嫉之癸未會試主司發策有

焚書禁學之議涇野力辨而解救之得不行此皆盛德事可以愧講學攻擊者

遊郊東道院

尋幽過道院曉霧縮珠林小逕蒼苔合層軒翠竹深南山長對面渭水更關心雨後千花醉風前百鳥音

景暘一首

暘字伯時儀真人僑居南京正德戊辰第二人及第

授編修歷司業遷南中允

國寶新編中允詩主盛唐蕭蕭散遺俗庶幾高臥北窗之懷

金陵瑣事景司業伯時憶蔣水部云雲竹晴還雨風花落更飛石駙馬山庄云移席隣歌飲食杯較句遲送高汝立云潮聲翻石壁山色入虛樓送沈華父云情深惟縱酒髮亂似驚秋夜酌對曹十四云風簾分坐月皎皎夜榻翦燭花紛紛遊永甯寺云竹陰到午風猶冷石磴穿雲路轉幽

戊籤卷十

三

噪鵲行

鵲鵲復鵲鵲春明飛向深樹落樹邊人家懷抱惡去年征夫從徧霍邊頭烽火接回中羽書晝警清夜同一自將軍度河曲天山萬里風雲空邊頭戰血赤河水戰土磨刀寒落指天子深坐甘泉宮回頭北顧常拊髀樹頭鵲噪如有知朝來噓子檐前垂夫君封侯應有期鳳奩鸞鏡當窗移

戴大賓一首

大賓字寅仲莆田人正德戊辰第三人及第授編修

田按編修登第時年僅十四才思精敏未幾卒世論惜之

九鯉湖

雲霞競相逐水天同一色何處有瑤花湖空秋月白

方豪 三首

豪字思道開化人正德戊辰進士除崑山知縣遷刑部主事諫南巡杖闕下起湖廣僉事進副使有棠陵

集八卷

田按思道頗有時譽王浚川少谷子歌云彼時才傑
遊帝旁信陽之何棠陵方大梁翩翩李川甫吏部薛
生尤擅場今觀其詩無論何薛卽方之川甫亦非其
倫

留別選禪師

分經蓮漏下幽徑石苔封卻笑此時別更於何處逢敲門思
看竹解榻愛聽松明發孤舟在江雲千萬重

重至波光閣

去歲奉親遊白岳登君畫閣挹波光秋風再向長橋渡隔岸

戊籤卷十

四

遙聞濁酒香數里人煙楓柏赤一年好景橘橙黃憑誰拔卻
南阮嶺日日相過雲水鄉

開河

三月開河驛垂楊綠覆堤征人歎蕭索未有一鶯啼

戴冠 五首

冠字仲鵠信陽人 一云吉水人 正德戊辰進士授戶部主

事以言事謫廣東烏石驛丞起戶部員外出知延平

府改蘇州終山東提學副使有窾谷集十二卷

田按仲鵠詩宗何大復天才雖遜工力亦深

訪陳邦器不值寄之

朝出江東門暮出江東門美人棄我去望望江色昏君行向

何許君家在江渚我心逐江水見君不能語

立秋雨

終夏無善睡入秋眠始安高雲散疏雨短榻生微寒炎涼一
瞬目造化如轉丸感此復不寐中夜興長歎

秋興

山中白酒今正熟復有黃雞啄黍肥瘦馬蕭蕭時出郭涼風
淅淅故吹衣卽看敗柳驚秋色忽見殘鴉送夕暉野老淹留
共酩酊相將白鷺亦忘機

汝言旣歸舉酒酌菊席上作

去年今日客東京今日燕山歲又更佳節兩經皆負菊久遊
隨處是浮萍一秋懷遠雁將盡薄暮登高雲忽生醉後不須

戊籤卷十

五

便歸去多情況復有張衡

春日湖上

匹馬春風湖上來湖中新水碧如苔柳條弄日遙堪恨鷗鳥
銜魚近不猜入浦漸多閒島嶼抱江無數好樓臺楚州自古
稱雄鎮此日遊觀亦壯哉

胡纘宗

二首

纘宗字孝思秦安人正德戊辰進士特授翰林檢討

出爲嘉定州判遷潼川知州入爲南戶部郎中改吏

部出知安慶府改蘇州遷山東參政改浙江歷河南

布政使以右副都御史巡撫山東改理河道復改河

南乞歸以作詩下獄尋得釋有正德集四卷嘉靖集

七卷烏鼠山人集十六卷擬古樂府二卷擬漢樂府

八卷

四庫總目續宗詩激昂悲壯頗近秦聲無媚媚之態是

其所長多粗厲之音是其所短

藝苑卮言胡孝思嘗為吾吳郡守才敏風流前後罕

儷公暇多遊行湖山園亭間從諸名士一觴一詠題

墨淋漓遍於壁石後遷御史中丞撫河南肅皇幸楚

為一律紀事云聞道鑾輿曉渡河嶽雲縹緲護晴珂

千宮玉帛嵩呼盛萬國衣冠禹貢多鑿鑿北門留統

制璿璣南極扈義和穆天衣駭空飛電鎗矣嘗扑一

不磨刻之石後以他事坐罷家居者數載矣嘗扑一

貪令王聯其人為戶部主事以不職免殺人下獄當

死乃指穆天湘竹為怨望咒詛而所錄成獄及生平

罪貳皆指為孝思奸黨奏上大怒悉捕下獄孝思

死分宜相陶真人力救久之乃罷免猶摘杖孝思

三十當是時孝思將八十矣之不怖囂取錦衣獄中

柱械之類八日制獄入景為詩紀之眾爭咎孝思掣

其筆曰君正坐詩至此耳尚何吾伊為孝思澹然味

不輟曰坐詩當死今不坐詩得免死乎出獄時謝茂

秦貽之詩有云白首全生逢聖主青山何意見騷人

戊籤卷十

六

孝思方病杖創甚呻吟間猶口占以謝人謂孝思意氣差勝蘇長公才不及耳

登天柱閣

與客上江樓橫江山欲浮雲當天柱出月傍小姑流帆外收
吳楚尊前落斗牛瀾漫忽千里倚檻思悠悠

林屋洞

繫馬靈宮第幾天紫霞丹竈坐羣仙金庭空闊蛟龍鬪玉柱
玲瓏日月懸改火欲烹山乳食埽雲初藉石牀眠隔凡不隔
岳陽水黃鶴飛飛何處邊

唐龍 五首

龍字虞佐蘭溪人正德戊辰進士除郟城知縣入為
御史擢陝西提學副使歷山西按察使召拜太僕卿

改右僉都御史總督漕運兼巡撫鳳陽諸府進左副
都御史歷吏部侍郎進兵部尚書總制三邊召拜刑
部尚書加太子少保乞歸尋起南刑部尚書就改吏
部入爲兵部尚書加太子太保進吏部黜爲民卒後
以子修撰汝楫疏辨詔復官贈少保諡文襄有漁石

集四卷

四庫總目龍所著有黔南集江右集關中集晉陽集其

文頗具浩瀚之氣詩尤長於五言

藝苑卮言唐虞佐如苦行頭陀終少玄解

國雅唐文襄風度環爽頗臻古雅集爲蔡子木所編

輯中有長淮接江水千里映空色夜雨分芝草晴天

落靈魚亦作玄解語

明詩選陳臥子曰漁石五言本之少陵已涉藩籬漸

窺堂與李舒章曰漁石五言律詩刁斗精明風雲狎

競足爲名家

戊籤卷十

七

褒城

地勢雄臨漢風聲遠接巴霧深城市隱日照谷門斜鳥道懸
青壁龍江走黑沙未觀諸葛壘先問子真家

子午嶺

嶺名分子午天險限西東劍閣千人廢吳山一箭雄雲封關
樹黑日出塞門紅遠道悲遊子驅車背朔風

鞏昌

關塞遠仍到音書靜不聞山高八月雪木落萬川雲藥裏秋
隨病松燈夜校文賢勞猶自愧未敢數辛勤

伏羌

木脫羌山出雲寒羌水清干戈經百戰燈火聚孤城雪岸蒹

葭色風營鼓角聲將軍功伐在馬革快平生

塞上曲爲窳翁先生作

黃榆塞口旂旗卷白草山頭烽火收春動茫茫水如雪家家
河磧飲耕牛

毛伯溫 二首

伯溫字汝厲吉水人正德戊辰進士除紹興府推官
入爲御史遷大理寺丞擢右僉都御史巡撫甯夏坐
事褫職歸用薦起故官撫山西移順天皆未赴改理
院事進左副都御史復褫職起右都御史協理院事
遷工部尙書以兵部尙書總督宣大山山西軍務加太
子少保兼太子賓客以征安南功加太子太保還朝

戊籤卷十

八

復理院事改兵部尙書削籍歸隆慶初復官賜卹天

啟初追諡襄懋有東塘詩集十卷

靜志居詩詒東塘數與夏公謹李獻吉方思道相酬
和故其詩頗具風格

東湖

東湖春渺渺隱士此幽居迴艇愁驚鳥垂竿不上魚興來時
覓酒得暇且攤書斜照臨波影軒窗日日虛

大雲寺訪友

爲訪王摩詰來遊祇樹圍花邊容駐馬竹裏共開尊山翠遙
當几溪流曲抱村乾坤傷浩劫吾欲託空門

周金 二首

金字子庚南京右衛籍武進人正德戊辰進士授工

科給事中累遷戶科都給事中歷太僕少卿擢右僉
都御史巡撫延綏改撫宣府進右副都御史再改撫
保定遷兵部侍郎進右都御史總督漕運巡撫鳳陽
諸府擢南刑部尚書就改戶部贈太子太保諡襄敏
有上谷漁陽二稿

路鴻休帝里明代人文略橫山周公善爲歌詩羽檄
倥偬中牽不廢詩

秋日送客歸江南

故鄉此日多幽賞家傍青山獨掩扉野寺雲間僧有約寒塘
楓落雁初飛吟邊歲月空流水夢裏關河半夕暉一葉扁舟
五湖上蓼花秋色轉霏微

過楊六郎故城

戊籤卷十

九

倒馬關頭寒日西孟良白畔風淒淒可憐絕壑荒煙裏古戍
無人鳥自嘯

王應鵬 二首

應鵬字天宇鄞人正德戊辰進士除嘉定知縣入爲
御史歷大理少卿擢僉都御史巡撫順天改撫山西
進右副都御史協理院事有定齋集

田按定齋詩頗有秀句如良月便從今夜得好詩還
到故山吟鐘聲出岫客初到月色滿庭僧未歸皆可
誦也

送王廷直

一別青山二十年白雲長在草堂前曉辭雙闕東風裏夜見
繁星北斗邊花鳥夾隄春似織江湖一艇水如天詩成爲送

王摩詰煙雨桑麻入輞川

張白齋席上次韻

竹里先生竹作屏白雲長傍小山飛江雷忽送冥冥雨又有嫩涼生翠微

歐陽鐸一首

鐸字崇道泰和人正德戊辰進士授行人歷工部郎中改南兵部出爲延平知府擢廣東提學副使累遷南光祿卿以右副都御史巡撫應天進南兵部侍郎改吏部贈工部尚書諡恭簡有集二十二卷

十二日風雨次宣風館王伯安投詩有天際淨雲生白髮林間孤月坐黃昏之句用其韻

戊籤卷十

十

馬蹏沿路蹋霜痕野水橫流一段渾兩戒關河中置驛幾家雞犬自成村枕邊聽水塵懷淨山頂看雲望眼昏愧是宣風天萬里幾人此地漫消魂

徐文華一首

文華字用光嘉定州人正德戊辰進士授大理評事擢監察御史以言事下詔獄黜爲民嘉靖初起故官歷河南副使入爲大理少卿以議禮再奪俸尋以李嶽全福達獄遣戍遼陽隆慶初贈左僉都御史有遼陽集

岳陽樓詩氣白雲對小山脈石黃雲蒼冥雨又會天外雲帆晚洲邊朔雁秋湘君何處弔靈瑟至今愁

夏良勝一首

良勝字子中南城人正德戊辰進士授刑部主事改吏部遷員外郎諫南巡子杖奪職嘉靖初起故官進郎中遷南太常少卿未赴轉給事中謫茶陵知州以在郎中時議禮黜爲民再下獄論杖謫戍遼東三萬衛隆慶初贈太常卿有東洲稿二十卷

四庫總目良勝兩以直諫謫風節凜然其詩文無意求工而皆嶽嶽有直氣

瓊花觀

慢櫓低聲唱浪沙餘哀尙寄野人家誰將主業中原地祇換揚州一樹花

陸震一首

震字汝亨蘭溪人正德戊辰進士除太和知縣徵爲

戊籤卷十

七

兵部主事進員外諫南巡下詔獄杖死嘉靖初贈太

常少卿

朝房待罪

驥尾思千里葵心託萬言一身曾許國九死敢忘恩梅福冠猶在朱雲檻不存空庭對明月古道照乾坤

靜志居詩話太常力批龍鱗九死不悔詩存無多錄四十字一字一碧血也

程啟充一首

啟充字以道嘉定州人正德戊辰進士除三原知縣

入爲御史以劾郭勛謫戍邊衛隆慶初贈光祿少卿

有初亭集

田按以道在正嘉兩朝號爲敢言惜謫戍後不復起用與升庵爲素交升菴函稱其詩今全集不復可觀

僅於費經虞劍閣芳華集見二詩不足見所長所著
又有南溪詩話三卷四庫存目著錄者僅二卷提
要亦不詳其名未知是二是一也

峨眉山寺

一夜中峰雨清涼曙色新到來垂老客擬作問禪人石徑休
辭滑山雲不染塵會當凌絕巘一覽小西峴

廬煦一首

煦字子春東陽人正德戊辰進士授長垣知縣入為
刑部主事累遷四川按察僉事進湖廣參議

輓西湖李徵君

西湖隴上鶴山銘過客停驂問姓名酌酒東風人不見海棠
殘月杜鵑聲

戊籤卷十

王大用一首

王大用字時行興化衛籍儀真人正德戊辰進士授工
部主事累遷右副都御史巡撫順天改撫大同進右
都御史入掌院事尋罷起撫四川遷南刑部侍郎有

藥谷集

遊武夷

控鶴仙人渺何許幔亭綵幄重堪憐溪流九曲依然在三十
六峰凌紫煙

顧可適一首

可適字與行無錫人正德戊辰進士授中書舍人歷
刑部郎中擢廣西參議有峇峰遺稿

和彭別駕石屋登錫山觀五湖

錫嶺尋前蹟丹邱出上方七盤凌絕磴千仞俯滄浪陵谷推遷後蓬瀛縹緲鄉雲謠惜荒宴萬里泛瓊觴

陸仲一首

仲字安甫太倉州人參政容子正德戊辰進士授大

理評事

四月五日游淮雲寺儀上人限韻求題

得見支郎半醉中相將高閣詠南風何年許入雲門社辦取青鞵出輓紅

丁奉五首

奉字獻之常熟人正德戊辰進士除行人歷南吏部

戊籤卷十

三

郎中有丁吏部文選八卷

靜志居詩話南湖詩不事鍛鍊與酣落筆往往暗合曩篇卽嘔心撚髭者爲之不過爾爾田按獻之有南湖留稿逸稿宣城梅季豹合二稿選爲丁吏部文選八卷詩興趣天然頗有山林逸致

家居

家居承祖德奕世享清平山龔虞雍號湖傳呂尙名僻鄉便吏隱腴土愜農耕自揣孤邱志微吟記此生

蠡口夜泊

野度無人到扁舟卻自橫村燈明更滅鄰舫聚還行水靜人聲遠霜寒雁夢清思家不成寢斗柄已三更

晚秋雨中

暮雨黯秋光新寒喧宿鳥一日不開門落葉知多少

晚秋

漫讀書消畫苦吟詩送秋出門黃葉盡風雨暗東樓

對山

世事年年流水去門前日日好山來東君更自添煩惱春冷
梅花苦不開

胡德一首

德字全之婺源人正德戊辰進士授南戶部主事歷
四川參議雲南參政有紀行錄迂樵雜著

桑婦吟

茜色裁裙蘭扇熏鳳釵十二壓春雲黃金駟馬躊躇處誰爲
羅敷謝使君

戊籤卷十

顧彥夫

一首

古

西田煥彥夫字承美無錫人正德庚午舉人官河間通判有

桑瀛海集

送人考滿題畫南參知百鍊石錄五縣縣書

白鷺洲邊春水生二帆去去暢吟情溪山十里小桃豔書畫
半船行李輕雲起峯頭無定迹鶯飛谷口有離聲別來想望
風神遠月暗容臺燈夜明

陸山

對巖書節畫苦吟詩送秋出門黃葉盡風雨暗東樓

